

## سنت پطرس رو بیجو خط

### تعارف

سنت پطرس آی بیجو خط اندازن سن 65 شون 67 عیسوی ری بیج ۾ وشواسیون نی اونی تیم لکیو جڈی وشواسی مندلی ۾ کوزا پرچار کرڻ

آلا کوزی باتون شیکاوتا پڙیا. ایی خط رو خاص مقصد آی هتو که کوزو پرچار کرڻ آون ری پرچار شون جکو بیچڙائی بدتی پڙی اونی نی ختم

کری. ایئون باتون رو حل ایشور هان پریو یسوع ری شاچی باتون تی وشواس راکڻ هان اونی تی پکو ریوڻ تی هی. ایی وشواس ری خاص باتون

خوشی ری خبر شئاوڻ آئی ائون منکون شئائی، جکون پریو یسوع نی شیکاوتو ڏینو هان شئو هتو.

سنت پطرس نی ایی بات رو فکر هتو که او جکو کوزو پرچار کری کی هی که پریو یسوع پڙی کونھی آوی، پڻ سنت پطرس 3: 9 ۾

آی شیکاوی هی که، ”پرمیشور آپرو واعدو پورو کرڻ ۾ دیر کونھی کرتوم، جهڙی نمونی کئینکه منک دیر شمجھی هی، پڻ ایشور تونری ساڙو

صبر کری هی کیونکه اونی ری مرضی کونھی که کو پی همیشا ری موت مری، پڻ مرضی هی که سجائی توبهون کری.“

### خاص مضمون

جی پریو ری هان پرائنا . . . . . 2-1:1

ایشور رو هیلو هان چونڊڻ . . . . . 21-3:1

کوزی باتون شیکاوڻ آلا . . . . . 22-1:2

پریو یسوع رو پڙی آوڻ . . . . . 18-1:3

### جڻي پريو ري هان پرائنا

1 <sup>1</sup> آي خط مهني شمعون پطرس ري طرفون هي جكو يسوع مسيح رو سنت هان اوئي رو بونهو هون. هون آي خط اوئون ني لكون پريو جكو  
 آپي ايشور هان مگتي داتا يسوع مسيح ري نيڪي ۾ آيون آئي كار اوئي تي وشواس راڪي هي. <sup>2</sup> ايشور هان آپي پريو يسوع ني اولڪن ري  
 وسيلي تون تي تموم گهڻي ڪريا هان دايا هون ري.

### ايشور رو هيلو هان چونڊڻ

<sup>3</sup> ايشور ري قدرت شون او شجو ڪئين جكو زندگي ري شارو هان اوئي ري مرضي پوري ڪرڻ ري شارو ضروري هي، آي آيون ني اوئي ني اولڪن  
 ري ڪري مليو هي، ڪيونڪه اوئي آيون ني آپري مهما هان نيڪي شون هيلو ڪيو هي. <sup>4</sup> ايني نموني ايشور آيون شون تموم گهڻا قيمتي واعدا ڪيا  
 ڪه آبي اوئون ري وسيلي اوئي بربادي شون بچون جڪو ايني جگت ري بچڙي خواهشون ري ڪري هي هان آبي اوئي ري خوبيون ۾ شامل هون  
 جائون. <sup>5</sup> آي شجو ڪئين ياد راکي پوري ڪوشش ڪرو ڪه ٿي وشواس شون نيڪي، نيڪي شون سمجهه، <sup>6</sup> سمجهه شون پرهيزگاري، پرهيزگاري  
 شون صبر هان صبر شون ايشور ري مرضي پوري ڪرو. <sup>7</sup> ايشور ري مرضي شون آبت ۾ پريم راکو هان شجون ۾ پريم ۾ بدتا جائون. <sup>8</sup> ڪيونڪه ٿي  
 جترا پي ايئون خوبيون ۾ بدتا جاشو، اتراج آپي پريو يسوع مسيح ري اولڪون ۾ فائدي آلا هان قل آلا هوشو. <sup>9</sup> پڻ جڪي ۾ آي خوني ڪونهي، تو  
 او اوندي آئي كار اونڌو هي. او آي بات پونتريو رو ڪه اوئي را پروٽا پاپ ذوني جي صاف هون هي.

<sup>10</sup> اي وشواسيون، آي بات ثابت ڪرڻ ري وڌيڪ ڪوشش ڪرنا رو ڪه ايشور توني هيلو ڪيو هان چونڊيا هي. ايني ري ڪري جي ٿي ايئون  
 ڪرشم، تو ڪڏي پي دوکو ڪونهي کائو. <sup>11</sup> پڻ ايني شون ٿي آپي پريو هان مگتي داتا يسوع مسيح ري هميشا ري بادشاهي ۾ تموم گهڻي عزت  
 شون شامل ڪيا جاشو. <sup>12</sup> ايني ري ڪري هون توني آي باتون هميشا ياد ڪراونو رئين، پڻ توني ايئون باتون ري خبر هي هان اوئي ملڻ آئي شچائي  
 تي پڪا هو. <sup>13</sup> هون آي آيو فرض سمجهون هون ڪه جتري توڻي جيتو هون اتر تي توڻي يادگيري ڪراون ري شارو شجاگ ڪرتو رئين. <sup>14</sup> مهني  
 خبر هي ڪه مهاري مرڻ رو تيم نيڙو هي ڪيونڪه آپي پريو يسوع مسيح مهني آي بات شچائي ري. <sup>15</sup> ايني ري ڪري هون پوري ڪوشش ڪرتو  
 رئين ڪه مهاري مرڻ شون پيچي پي توني آي باتون هر تيم ياد ري.

### مسيح ري مهما را گواه

<sup>16</sup> جڏي مهون توني آپي پريو يسوع مسيح ري قدرت هان اوڻ ري خبر ڏيني، تو ننگي ڪري ڪوڙي باتون ڪونهي شچائي، پڻ مهون اوئي ري گواهي  
 ڏيني جڪي ري مهما مهون آپ آپري اونڪيون شون ڏيني هتي. <sup>17</sup> مهني اوڻج هتا، جڏي ايشور پتا اوئي ني مون مرتبو ڏينو هان ڪهيو ڪه  
 ”آي مهارو پيارو ڏيڪرو هي،  
 هون ايني شون خوش هون.“

18 جڏي مهيا پويتر جبل تي اوني پيڙا هئا، تو مهون آپ آڪاش شون آي آواز شُڻيو هتو.

19 ايني نموني مهورو وشواس نبيون ري كهيوڙي باتون تي آجون پي وڌيڪ پڪو هويو. آي تونري شارو پي شنو هوشي ڪه تي پي اوني شون من لگائو، ڪيونڪه او هيڪي ڏيئي آلي ڪار هي جڪو انداري ۾ اڃائو ڪري هي هان او اوني تيم توڻي اڃائو ڪرتو ريشي، جتري توڻي اندارو مٽي ني هان شاکلي رو تارو يعني پريو يسوع تونري من ۾ اڃائو ني ڪري.

20 شجون شون پيل آي بات شمجهو ڪه شاستر ري ڪو پي بات نبيون آپري طرفون ڪونهي لڪي. 21 ڪيونڪه نبيون ري كهيوڙي ڪو پي بات انسون ري مرضي شون ڪونهي هوئي، پڻ ائون آي باتون پويتر آتما ري قدرت شون ايشور ري طرفون ڪيئي.

### ڪوڙي باتون شيڪاوڻ آلا

2 1 جهڙي نموني آگي اسرائيلي قوم ۾ ڪوڙا نبي هئا، اوئيج نموني ٿون ۾ پي ڪوڙي تعليم ڏيوڻ آلا ظاهر هوشي. توني خبر پي ڪونهي پڙي ڪه او توني اهڙي ڪوڙي تعليم ڏي توني برباد ڪري. او اوني مالڪ ني اولڪن رو انڪار ڪري جڪي ائون ني آبرو قيمتي لوي ڏي مول ليئا هئا. ايني نموني او آبرو آني تموم چيڪا برباد ڪري چوڙسي. 2 تموم گهڻا منڪ ائون ري بچڙائي لاري بيشي، ايني ري ڪري شاجي مارگ ري خلاف باتون ڪري. 3 او آپري لالچ ري شارو ڪوڙي باتون شيڪاشي هان تون شون ناجائز فائدو ليشي، پڻ ايشور پيل شون ائون رو فيصلو ڪيو رو هان ايشور ايني ۾ دير ڪونهي ڪري ڪيونڪه او اوناڃوڙو ڪونهي، پڻ ائون ني موت ري سزا ڏيوڻ ري شارو جاگو هي.

4 شتوم ايشور پاپي فريشتون ني پي ڪونهي چوڙيا، پڻ ائون ني انداري آلي شونڪڙون ۾ بوندي نرگ ۾ نوڪيا جيڪ او عدالت آلي ڏن توڻي قيد ۾ ريشي. 5 ايني نموني نوح ري زموني ۾ پي ايشور تي وشواس ني راکڻ آتون ني طوفون ميلي ماري چوڙيا، رگو نيڪي رو پرچار ڪرڻ آلو نوح نبي هان اوني رو خاندان شتون منڪون شوڏو بچي گيو. 6 ايني نموني ايشور سدوم هان عمورا شهر ني سزا ڏيوڻ رو فيصلو ڪيو هان ائون ني باشدي شون ٻائي راک ڪري چوڙيا هان اوڻ آلي زموني ۾ بنا وشواس آتون ري شارو آي مثال هويو ڪه ائون شون ڪي هوشي؟ 7 ايشور نيڪ منڪ لوط ني بچايو جڪو بچڙا ڪوم ڪرڻ آتون شون تنگ هتو. 8 [آي نيڪ منڪ ائون پيڙو ريتو هان هرور ائون را بچڙا ڪوم ڏيڪي هان شُڻي آپري نيڪ من ۾ تموم گهڻو پريشتون ريتو.] 9 ائينون باتون شون خبر پڙي هي ڪه پرميشور نيڪ منڪون ني آزموتون ۾ بچاوڻ هان پاپيون ني عدالت ري ڏن توڻي سزا ڏيوڻ ري شارو راکڻ جوڻي هي. 10 خاص ڪري ائون ني جڪو شير ري بچڙي خيالون ۾ ري هي هان ايشور ري بادشاهي ني ڪئين ڪونهي شمجھتا. او ايشور ري خلاف هان مگروڙ هي هان آڪاشي اختيار ري خلاف باتون ڪرڻ شون بيتاجتا ڪونهي. 11 فريشتا جڪو طاقت ۾ ائون شون تموم گهڻا ڏاڍا هي، پڻ او پي پرميشور آگهي ائون هستيون ري خلاف الزوم لگاوڻ ري همت ڪونهي ڪرنا. 12 ايني ري ڪري آي ڪوڙي تعليم ڏيوڻ آلام بي عقل هي جڪو جنارون آلي ڪار جهليجڻ هان ماريجڻ ري شارو پيدا هوي هي. او ائون باتون ري خلاف ٻولي هي، جڪون ري ائون ني خبر ڪونهي. او آپري بچڙي باتون شون برباد هوئي جاشي. 13 ايني نموني پيجون شون بُرائي ڪرڻ ري بدلي ائون رو آبرو هوشي. او سريعام عياشي

کري خوش هووي هي. اهڙا منڪ هيڪ داگ هان عيب هي، جڪو تون پيڙا کاوي پيئي هان آيري خوشي ري شارو دعوتون کري عباڻي کري هي. 14 او زنا ري شارو هر تيم خراب لڳايون ري تلاش ۾ هي هان پاپ ڪرڻ ڦٽا ڪونهي ڪرتا. او گهٽ وشواس آئون ني بچڙي ڪومون ۾ قشاوي هي. اوئون را من لالچ شون پريوڙا هي. اوئون تي ايشور ري لعنت هووي. 15 او شاچو مارگ ڦٽو کري رلي پڙيا. او بغير ري ڏيکري بلعام ري مارگ تي بي پڙيا جڪي پشون ري لالچ ۾ بچڙا ڪوم ڪرڻ پسند ڪيا. 16 اوئي آيري ڏوه ري کري آب تي لعنت لي هان بي زبون گڏي انسون آلي ڪار بولي هان اوئي نبي ني پاپ ڪرڻ ري ڪالهائي شون پاليو.

17 ڪوڙا تعليم ڏيوڻ آلا شوڪڙي ڪوه هان بائيري شون اڏڻ آلي باڏل آلي ڪار هي. اوئون رو نتيجو گهور اندارو هوشي. 18 او مگروڙي آلي اجائي باتون کري بڙائي شون اهڙي منڪون ني جسموني خواهشون ۾ قشاوي هي جڪو گهمراه هوئن آئون ۾ بچي گيا هتا. 19 او بيجون شون تو آزادي رو واعدو کري هي پڻ آب پاپ را غلوم هي ڪيونڪه انسون اوئي را غلوم هي جڪو اوئي ني آيري هات ۾ کري هي. 20 جڪو پي آڀي پريو هان مگتي داتا يسوع مسيح ني اولڪڻ ري وسيلي جگت ري بچڙائي شون بچي هي، پڻ جڏي او پڙي ايئون رو غلوم هوئي قاشي جاوي هي، تو اوئي ري حالت اگي شون پي وڌيڪ خراب هووي هي. 21 ڪيونڪه جڪون منڪون شچائي رو مارگ اولڪيو هي پڻ او ايشور ري حڪم شون ڦري گيا جڪو ايشور اوئون ني ڏينا هتا، اوئون ري شارو پلو آي هتو ڪه او ڪڏي پي ايئي مارگ تي ني بون تو. 22 اوئون تي آي ڪيتوڻا پورا هووي هي ڪه،

”ڪنو پاچو آي آيري الٽي کاوي هي

هان شوئر جهيلاوڻ شون بچي پڙي گپ ۾ جاوي هي.“

### پريو يسوع رو پڙي آوڻ

3<sup>1</sup> اي پياري پايون، هون توني آي بيجو خط لکون پريو. مهي پئون خطون ۾ تموم گهڻي باتون ياد ڏيرائي تونرا من صاف ڪرڻ ري ڪوشش ڪي هي. 2 مهاري مرضي هي ڪه ٿي او شجي باتون ياد راکو جڪو پويتر نبيون تموم گهڻو اگي ڪيئي هتي هان او حڪم پي ياد راکو جڪو آڀي پريو هان مگتي داتا رو پرچار ڪرڻ آئون توني شٽائي هي.

3<sup>3</sup> شجون شون پيل آي بات سمجهو ڪه آخري ڏنون ۾ اهڙا منڪ آشي جڪو شچائي تي هاشا ڪشي هان جسموني خواهشون تي بيشي. 4 او ڪشي ڪه، ”پريو يسوع ڪيت هي جڪي آوڻ رو واعدو ڪيو هتو؟ ڪيونڪه آڀا باب ڏاڏا تو مري گيا هان جگت نهيجڻ شون لي آج توڻي شجو ڪئين ايئون رو ايئون هي.“

5 او آي جوڻ کري پونتريا ڪه ايشور آيري حڪم شون آڪاش ناهيا هان اوئي پوڻي ني هيڪي جگها تي پيڙو کري ڌرتي پي ظاهر ڪي. 6 شاگي پوڻي ري بوڏ شون اوئي زموني را منڪ بوڏي مونا. 7 ايشور آيري ايئي حڪم شون آڪاش هان ڌرتي ني باشدي ري شارو راکيا هي، جڏي ايشور رو انڪار ڪرڻ آئون ري عدالت هوشي، تو او پي ٻلي راک هوئي جاشي.

<sup>8</sup> اي پياري پايون، آي بات ياد راکو ڪه پرميشور زي شارو هيڪ ڏن، هزار شال زي برابر هي هان هزار شال، هيڪي ڏن زي برابر هي. <sup>9</sup> پرميشور آبرو واعدو پورو ڪرڻ ۾ دير ڪونهي ڪرڻ، جهڙي نموني ڪئينڪه منڪ دير سمجھي هي، پڻ ايشور تونري شارو صبر ڪري هي ڪيونڪه اوني ري مرضي ڪونهي ڪه ڪو پي هميشا ري موت مري پڻ مرضي هي ڪه شجائي توبهون ڪري.

<sup>10</sup> پريو رو ڏن ايئون آشي جڪي ري ڪيني پي خبر ڪونهي پڙي. اوني ڏن آڪاش تموم گهڻي گوڙ شون ختم هوئي جاشي، آڪاشي شيون پگهريجي برباد هوئي جاشي. ڌرتي هان اوني تي هوڻ آلا ڪوم پي پرميشور ري عدالت ۾ حاضر ڪينا جاشي. <sup>11</sup> جڏي آي شجي شيون ايئي نموني متي جاشي، تو پچي توني ڪهڙا هوڻ ڪبي؟ توني ڪبي ڪه ٿي پويتر هان ايشور ني منڻ آلا هوڻو. <sup>12</sup> ايشور ري اوني اوڻ آي ڏن ري انتظار ۾ رو ڪه او ڏن چيڪو آوي جڏي آڪاش ٻلي برباد هوئي جاشي هان آڪاشي شيون باشدي ري گرمي شون پگهريجي جاشي. <sup>13</sup> پڻ آبي اوني نوني آڪاش هان نوني ڌرتي ري انتظار ۾ هون جڪي رو واعدو اوني ڪيو هتو هان جيت هميشا نيڪي هوئي.

<sup>14</sup> اي پياري پايون، ڪيونڪه ٿي ايئي انتظار ۾ رو هو، ايئي ري ڪري تونري ايشور شون صلح هووي هان ٿي اوني شومها بي عيب هان بي ڏوهي هوڻ ري ڪوشش ڪرو. <sup>15</sup> ياد راکو، پرميشور ايئي ري ڪري صبر ڪري هي ڪه منڪون ني مگتي ملڻ رو موقعو ملي. آڀي پياري پائي پولوس ني پي ايشور ري ڏينوري سمجه شون توني آبري خطون ۾ ائيج باتون لکني هتي. <sup>16</sup> اوڻون ۾ ڪئين باتون اهڙي هي جڪون رو سمجهڻ ڏکيو هي. بنا سمجه آلا هان گهٽ وشواس آلا ايئون باتون ني ايئون بگاڙي هي جهڙي نموني او شاستر ري پيجي باتون بگاڙي هي. ايئي نموني او آڀي هميشا ري موت ري سزا ڏي هي.

<sup>17</sup> مهاري پياري پايون، هون توني تيم شون پيل آي باتون شائون پڙيو. ايئي ري ڪري هوشيار رو ڪه ڪيت ايئون ني هووي ڪه ايشور رو انڪار ڪرڻ آڻون ري غلط شوچ توني شاچي مارگ شون پلاوي هان ٿي آبرو وشواس ڦٽو ڪرو. <sup>18</sup> ايئي ري بدلي آڀي پريو هان مگتي داتا يسوع مسيح ري ڪريا هان سمجه ۾ بدتا جائو. اوني ري بڪوڻ هڻون شون لي هميشا توڻي هوتي ري. آمين.